



Tuzla, Rudarska br.72, Tel:++38735 366200; 366201; Fax:++38735 282697; kuiptk@bih.net.ba; <http://www.kuiptk.ba/>

Broj predmeta : 17/1-04-007113/26

Ur. broj akta : 10302-0002

Datum, 11.09.2026.. godine

Mjesto, Tuzla

**PARLAMENT FEDERACIJE BIH -
PREDSTAVNIČKI DOM**
Hamdije Kreševljakovića br. 3
71000 SARAJEVO
n/r Sekretara

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

PREDMET : Odgovor na zastupničko pitanje, dostavlja se
Veza: Vaš akt broj: 05/1-02-456/26 od 02.09.2026.godine

Primijeno: 16-09-2026			
Org. jed.	Broj	Priloga	Vrijednost
05/1	- 02 -	456	/26

Poštovani,

U vezi sa Vašim aktom broj: 05/1-02-456/26 od 02.09.2026.godine, kojim ste ovoj Upravi dostavili zastupničko pitanje i inicijativu zastupnika u Zastupničkom domu Parlamenta Federacije Bosne i Hercegovine Admira Čavalića, a koje se odnosi na rad postrojenja Termoelektrane Tuzla, tokom 22. i 23. augusta 2026.godine, obavještavamo Vas da je Kantonalna uprava za inspeksijske poslove Tuzlanskog kantona, izvršila inspeksijski nadzor u privrednom subjektu JP EPBiH d.d. Sarajevo – Podružnica Tuzla.

U prilogu ovog akta dostavljamo Vam Izvještaj o izvršenom inspeksijskom pregledu broj: 17/4-II-19-007528/26 od 10.09.2026.godine, radi upoznavanja i daljeg postupanja.


S poštovanjem,

Prilog: - kao u tekstu

Dostavljeno:

1 x Naslovu

1 x Arhiva



**Po ovlaštenju
direktora**

Mirnes Avdić



Broj predmeta : 17/4-II-19-007528/26

Ur. broj akta : 22305-0003

Datum, 10.09.2026.. godine

Mjesto, Tuzla

n/r DIREKTORA KUIP TK-a

PREDMET : Izvještaj o izvršenom inspekcijskom pregledu
Veza: Vaš predmet broj 17/1-04-007113/26

Dana 07.09.2026. godine Kantonalna uprava za inspekcijske poslove Tuzlanskog kantona, Inspektorat za urbanizam, građevinarstvo, ekologiju i industriju, zaprimila je putem Ureda za zajedničke poslove zastupničko pitanje i inicijativu zastupnika u Zastupničkom domu Parlamenta Federacije Bosne i Hercegovine Admira Čavalića. Zastupničkim pitanjima i inicijativom traži se:

1. Da nadležna inspekcija izvrši inspekcijski nadzor u TE Tuzla u vezi s radom postrojenja tokom 22. i 23. avgusta 2026. godine.
2. Da se utvrdi koji su blokovi TE Tuzla bili u radu tokom navedenog perioda i u kakvom su tehničkom stanju bili.
3. Da se posebno provjeri informacija o remontu Bloka 4, njegovom završetku, ponovnom pokretanju i eventualnim tehničkim problemima tokom navedenog perioda.
4. Da se utvrdi da li je tokom 22. i 23. avgusta došlo do kvara, poremećaja u radu, problema s elektrofilterima, sistemom za otprašivanje i odsumporavanje ili drugim dijelovima postrojenja koji mogu utjecati na emisije.
5. Da se izvrši uvid u podatke sistema kontinuiranog mjerenja emisija za 22. i 23. avgust 2026. godine, uključujući podatke o praškastim materijama i drugim relevantnim polutantima.
6. Da se utvrdi da li je tokom navedenog perioda došlo do prekoračenja dozvoljenih graničnih vrijednosti emisija.
7. Da se utvrdi da li je TE Tuzla bila dužna prijaviti bilo kakav tehnički incident ili povećane emisije nadležnim institucijama i da li je takva prijava izvršena.
8. Da se izvrši nezavisno uzorkovanje taloga, odnosno čestica koje su građani dokumentovali u Šićkom Brodu i okolnim naseljima.
9. Da se izvrši laboratorijska analiza uzetih uzoraka radi utvrđivanja njihovog fizičkog i hemijskog sastava i, gdje je moguće, procjene njihovog porijekla.
10. Da se, gdje je to moguće i stručno opravdano, izvrši mjerenje kvaliteta zraka i koncentracije suspendovanih čestica na području Šićkog Broda i neposredne okoline TE Tuzla.
11. Da se provjeri da li su tokom navedenog perioda sistemi za kontrolu i smanjenje emisija radili u punom kapacitetu.
12. Da se javnosti dostavi službeno i obrazloženo objašnjenje o uzroku pojave izrazito gustog i tamnog dima.

S tim u vezi, a na inicijativu građana Mjesne zajednice Šićki Brod (Grad Tuzla), koju je u njihovo ime e-mailom uputio g. Nihad Suljić, nadležni kantonalni inspektor zaštite okoliša Kantonalne uprave za inspekcijske poslove Tuzlanskog kantona izvršio je dana 25.08.2026. godine inspekcijski nadzor u privrednom subjektu JP EPBiH d.d. Sarajevo, Podružnica TE Tuzla, o čemu je sačinjen zapisnik o inspekcijskom nadzoru (broj predmeta 17/4-II-19-007034/26, akt br. 22305-0002-P od 25.08.2026. godine). U inspekcijskom nadzoru utvrđeno je sljedeće:

Predmet nadzora

Inspekcijski nadzor izvršen je u svrhu kontrole provođenja odredbi Zakona o zaštiti okoliša ("Službene novine Federacije BiH", br. 15/21) i drugih propisa donesenih na osnovu njega, s posebnim fokusom na poštovanje uslova propisanih okolinskom dozvolom.

Subjekt nadzora je omogućio vršenje inspekcijskog pregleda u skladu s izdatim nalogom. Ispred subjekta nadzora, u inspekcijskim radnjama i utvrđivanju činjenica sudjelovala je Amira Okanović.

Utvrđeno činjenično stanje

Dana 25.08.2026. godine u 10:15 sati, na lokaciji objekta TE Tuzla u naselju Bukinje (Grad Tuzla), izvršen je inspekcijski nadzor kojim je utvrđeno sljedeće:

U momentu nadzora, iz dimnjaka Bloka 4 TE Tuzla bio je vidljiv gust poluproziran tamnosivi dim.

Izjava direktora TE Tuzla, g. Fuada Muminovića: „U periodu od 21. do 25. augusta 2026. godine, na Bloku 4 TE Tuzla došlo je do privremenog povećanja emisije prašine u atmosferu zbog tehničkih problema u pneumatskom sistemu transporta pepela u koševima elektrofiltera, čime je smanjena efikasnost elektrofiltera. Kvar na sistemu transporta pepela je otklonjen u toku druge smjene 23.08.2026.godine, međutim zbog prevelikog zasićenja i količine pepela u filterima potreban je izvjesni period za vraćanje u okvire projektovanih granica emisija.

Dana 21.08.2026. godine obaviještena je Federalna Uprava za inspekcijske poslove, urbanističko-ekološki inspektorat i Federalno ministarstvo okoliša i turizma da je došlo do tehnoloških problema u radu Bloka 4 zbog povećanih emisija prašine na ispustu bloka 4 TE Tuzla u odnosu na projektovanu“.

Kao dokaz o obavijesti subjekt nadzora priložio je: akt broj 02-51-9367-1/2026, datum 21.08.2026.. Navedeni akt upućen putem FAX-a.

Izvršena je i provjera posjedovanja okolinske dozvole te je utvrđeno slijedeće:

Subjekt nadzora je pribavio okolinsku dozvolu u skladu sa zakonom i provedbenim propisima. Na uvid je dato Rješenje o obnovljenoj okolinskoj dozvoli br. UPI-05/2-02-19-5-242/21 MK od 01.08.2022. godine, koje je izdalo Federalno ministarstvo okoliša i turizma Sarajevo.

S obzirom na to da je okolinsku dozvolu izdalo Federalno ministarstvo okoliša i turizma, a shodno članu 133. stav (2) Zakona o zaštiti okoliša Federacije BiH („Službene novine FBiH“, br. 15/21), inspekcijski nadzor u ovim slučajevima vrše isključivo inspektori Federalne uprave za inspekcijske poslove.

Iz svega gore navedenog proizlazi da kantonalni inspektor zaštite okoliša nema stvarnu nadležnost u ovom predmetu.

Nakon provedenog inspekcijskog nadzora, a na osnovu člana 218. Zakona o upravnom postupku („Službene novine FBiH“, br. 2/98, 48/99 i 61/22), kantonalni inspektor zaštite okoliša po ovlaštenju donio je Zaključak o obustavi postupka iz razloga što je tokom nadzora utvrđeno da kantonalni inspektor zaštite okoliša nema zakonsku nadležnost za postupanje u konkretnom predmetu, te ne postoji pravni osnov za dalje vođenje upravnog postupka.

Imajući u vidu navedeno, a na osnovu odredbi člana 65. stav (4) Zakona o upravnom postupku („Službene novine FBiH“, br. 2/98, 48/99 i 61/22), predmetna predstavka s prilogima dostavljena je Federalnoj upravi za inspekcijske poslove (Federalnom urbanističko-ekološkom inspektoratu) na dalje postupanje.

S poštovanjem.

Dostavljeno:

1 x Naslovu
1 x Arhiva



**Kantonalni inspektor zaštite okoliša
po ovlaštenju**

Safet Jahić
Safet Jahić